

『日本靈異記』上 聖德皇太子示異表緣 第四

聖德皇太子者、磐余池邊雙櫛宮御宇橘豐日天皇之子也、小墾田宮御宇天皇代、立之爲皇太子、々々有三名、一號曰厩戸豐聰耳、二號曰聖德、三號曰上宮也、向厩戸產、故曰厩戸、天年生知、十人一時訟白之狀、一言不漏、能聞之別、故曰豐聰耳、進止威儀、似僧而行、加以製勝鬘法花等經疏、弘法利物、定孝績功動之階、故曰聖德、從天皇宮住上殿、故曰上宮皇也、皇太子居住于鵜岡本宮時、有緣出宮、遊觀幸行、片崗村之路側、有乞匄人、得病而臥、太子見之、從轡下、俱語之問訊、脫所著衣、覆於病人、而幸行也、遊觀既訖、返轡幸行、脫覆之衣、挂于木枝、无彼乞匄、太子取衣著之、有臣白曰、觸於賤人、而穢衣 何乏更著之、太子詔、佳矣、汝不知之也、後乞匄人、他處而死、太子聞之、遣使以殯、崗本村法林寺、東北角有守部山、作墓而收、名曰八木墓也、後遣使看護婦、墓口不開、无之入人、唯作歌書、以立墓戶、歌言〈伊可流可乃三乃乎可波乃太紅波己曾和可於保支見乃三奈和數良禮女〉、使還狀白、太子聞、嘿然不言、誠知、聖人知聖、凡未不知、凡夫之肉眼見賤人、聖人之通眼見隱身、斯奇異之事、

又藹法師之弟子圓勢師者、百濟國之師也、住於日本國大倭國葛木高宮寺、時有法師而住北坊、名號願覺也、其師常明旦出行里、夕以來入於坊居、以爲常業、時圓勢師之弟子優婆塞、見之白師、々答之言、莫言默然、優婆塞竊穿坊壁、而竊之者、其室內、放光照炫、優婆塞見之、復白師、々答之言、然有故我諫汝莫言、然後願覺、忽然命終、時圓勢師、告弟子優婆塞言、葬燒收、即奉師告、而燒收訖、然後復其優婆塞、住於近江、時江有人言、於是有願覺師、即優婆塞往而見當、實願覺師也、逢於優婆塞、而談之言、比頃不謁、戀思无間、起居安也不也、當知、是聖反化也、食五辛者、佛法中制、而聖人用食之者、无所得罪耳、